



Elkarte-sarea aldarrikatzeko eta ikusgarritasuna emateko estreinekoz Herriko Elkarteen Eguna ospatuko da urriaren 7an

Elkarteak kalera atera eta ezagutzera emateko helburuarekin aurtuen ospatuko da lehenengo Herriko Elkarteen Eguna. Beasaingo elkartegintza eta elkarte sarea betidanik aldarrikatu eta balioan jarri du Udalak. Sare honi esker, Beasaingo herriak dinamika eta aktibitate soziala bizirik mantentzea eta Beasain herri bizia izatea lortu du. Elkartegintzak herritarren arteko harremanetan eta sozializazioan laguntzen du. Herriko elkarte eta eragileen arteko elkarlanaren emaitzak, ekimenetan isladatzen dira eta eskaintza hori beasaingarrekin eta beasaingarrentzat sortua izan da. Beasaingo elkarten sarea babestea Udal gobernu honen ardatz estrategiko nagusietakoa da haiei esker, udalerriko kirola, kultura eta dinamika soziala bizirik mantentzen da eta.

Bada ondorio horretatik abiatuz, aurtengo Udazken kulturean elkarteak eta elkartegintza protagonista izango dituen eguna antolatu da. Urriaren 7an, larunbata izango da eguna. Estreinakoz Elkarteen Egunak elkarte guztiak batera ikusgarri jarriko ditu herritarren aurrean. Herrian elkarte gehiago badaude ere, 27 elkartek parte

hartuko dute egun honetan. Beraien lana eta ekarpena erakutsiko dute Erauskin plazan jarriko dituzten postuetan herritarrek ikusi dezaten. Bide batez euren arteko harremana eta elkarlana sustatzeko balioko du aukera honek.

Egitaraua

Elkarteak beteko dituzten postuak goizeko hamarretatik egongo dira ikusgai. Baina horretaz gain ondorengo egitaraua antolatu da goiza borobiltzeko:

- 10:00etatik 13:30era: musikaz giroturik elkarteek standak ikusgai Erauskin plazan barreiaturik.
- 10:00etan Arteria Errizoma proiektuko eskutik, eskultura kolaboratzailea eraikitzen hasiko dira.
- 11:15etan Gurea abesbatzaren emanaldia (Urbiberri Elkarteak)
- 11:45-12:45: Xhutai batukada kaleak girotzen (Bakuntza elkartearen eskutik)
- 12:45-13:30: Dantza (Bakuntza elkartearen eskutik)

Parte hartuko duten elkarteak hauek izango dira: Nagusilan, Urbiberri, Odol Emaileak, Herriak Elkarlanean, Atzegi, Gurutze Gorria, Caritas, Minbizia Aurrerako Elkarteak, Bakuntza, Al Anon, Alcohólicos Anónimos, Asmube, Laukatu, Aittu, Hijos de Martín y Loinaz, Bear pintura Elkarteak, Buztingintza Elkarteak, Aizkorri Mendizale Elkarteak, Loinatz Abesbatza, Loinatz Txirrindulari Elkarteak, Goierriko Mendizale Beteranoak, Ortzi Powerlifting Kirol Kluba, BKL, Alfil Xake Elkarteak, Igartzak Igeriketa, Guske Shorinji-Kenpo, Igartzak Arku Tiroketa.

Elkarteek erakutsi edota eskainiko dituzten lanen artean hauek aurkitzen dira: besteak beste; Atxipi aisialdi taldeak jolasak, Aurtzaka dantza taldeak jantzi erakusketa, txistularien alardea, Argizpi elkarteek argazki erakusketa eta rallya, Asmubek antolatzen dituen ikastaroen erakusketaldiak, Arrano kultur elkarteak antolatzen duen margo lehiaketa eta bertso saioa, Aizkorri Mendizale Elkarteak finalista eguna eta Mendi Festibala, Lemniskatak hitzaldiak, Antzerki taldeak Igartzako bisita gidatua, Loinatz abesbatzak kontzertua, eta Ekaitz konpartsak erraldoi eta buruhandien irteerak.

